

E fakamālohiagia nā taumafaiga e hili te lelei

Ko te hihitemu mo te fuafuaga iloilo, e fakamākeke ai ki tamaiti uma, ke taumafai ki te mea e gata mai ai to lātou tūlaga mafai.

Kua mafai e tamaiti ākoga ke maua ni NCEA certificates e fakailogagia i te paahi lelei (merit), pe i te paahi lelei lahi (excellence). Kāfai e maua ni togi fakaputu (credits) e 50 pe hili atu, o te 80 e tatau ke maua e fakailogagia i te excellence, ka ki lātou maua he NCEA certificate e fakailogagia i te excellence. Kāfai e maua ni togi fakaputu e 50 pe hili atu e fakailogagia i te merit (pe merit iētahi kae excellence iētahi), ka ki lātou maua he NCEA certificate e fakailogagia i te merit.

Iētahi tuhi paahi

Tuhi Paahi mo te ulufale ki te Univehitē

Ko te University Entrance e maua kāfai kua uma te fakatino o he nūmela o ni tūhaga o te National Qualifications Framework i te level 3, fakatahi ai ma ni mea e manakomia i nā matākupu e vē ko te iloa tautala ma te faitau, vērā ma te nūmela. Ko te tuhi paahi tēnei e mafai ai nā tamaiti kua uma nā ākoga tūlagalua ke talia ki loto o nā univehitē i Niu Hila.

Hikolahipi

Ko nā hikolahipi e iloilo fuafua mai fafo ma e taumafai ke fakamātalatala ai ia māfaufau o tamaiti e lelei nā akoakoga. E maua ai e ki lātou e manuia a lātou huakega, ni alagātupe fehoahoani ki a latou ākoga i nā univehitē etc. Kua i ei he fuainumela fakatapulā o nā tamaiti ākoga e maua nā hikolahipi i nā matākupu takitahi.

E maua vēhea e tamaiti ākoga nā ikuga o a lātou huakega

E mafai e tamaiti ākoga oi fakafehokotaki te website a te NZQA, (Tamaiti ākoga e login ki te website a te NZQA www.nzqa.govt.nz) ke hiaki nā tūhaga loto-i-fale ma fafo kua lehitata ai ki kilātou ma kikila ki nā ikuga o nā iloiloga fuafua faka-loto-i-fale kua kave e te ākoga ki te NZQA.

la lanuali, ka maua e kilātou nā ikuga o a lātou gāluega mo te tauhaga kātōa, na iloilo fuafua faka-loto-i-fale, ma vērā foki nā gāluega na iloilo fuafua mai fafo. Ka aofia ai nā tūhaga na maua ma iētahi e hēki maua.

Ko nā ikuga o te huakega Hikolahipi ka lafo atu ia Fepuali.

Mo tamaiti ākoga tūlagalua kua fakauma a lātou akoakoga, ka i ei he School Results Summary e lihi ai nā tūhaga na taumafai ki lātou ki ei vērā ma nā ikuga, e aofia ai nā tūhaga e hēki pāhia.

Ko te Record of Achievement (nae takua muamua ko te Record of Learning) e fakamaumau uma ki loto nā tūhaga a te tamaiti kua maua i te taimi nae i te ākoga ai. E fakaopopo pea lava e tamaiti ākoga ki a lātou Record of Achievement kāfai kua uma ma te ākoga, ma toe fai ni iētahi tuhi paahi pe ni akoakoga tau gāluega i te fale faigāluega. Ko tamaiti ākoga tauhaga 13 ka lafo ki ei a lātou Record of Achievement ia Apelila fakatahi ma hētahi certificate na maua i te tauhaga kua teka.

Tūlaga e tuha ai ma mālō i fafo

Ko nā NCEA ni tuhi paahi a Niu Hila mo tamaiti ākoga tūlagalua. E tūhia i loto o te *International Qualifications for Entry into Higher Education* a Peletānia ma iētahi mālō mo te filifiliga ma te fakatagaga ke fano ki he univehitē etc. Ko te lēvolo 3 o te NCEA e tai tutuha ma te English A Levels ma te Higher School Certificate a Auhetalia.

Mo ni iētahi fakamatalaga, fakafehokotaki te:

New Zealand Qualifications Authority
(NZQA)

P 0800 NCEAHELP pe 0800 623 243

E helpdesk@nzqa.govt.nz


www.nzqa.govt.nz/ncea

Lolōmia 2008

JULY 2008 TOKELAUAN



New Zealand Government



Tuhi Paahi Ākoga
Tūlagalua



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

Tuhi paahi ākoga tūlagalua

Ko tēnei te uiga o nā tuhi paahi i nā ākoga tūlagalua i Niu Hila:

- kotamaiti ākoga uma e fakamālohi ki ei ke ki lātou okotia te gataaga o te lātou tūlaga mafai, ma ke fakamālō ki ei kāfai e iku manuia a lātou akoakoga
- e mafai ke fakaaogā e nā ākoga ni itūkāiga faiga kehekehe, ke akoako ma iloilo fuafua ai ia tamaiti ākoga, mo nā tuhi paahi a te atunuku
- kāfai e uma a lātou ākoakoga, ko tamaiti uma ka i ei a lātou tuhi e fakamaumau ki loto nā mea na iku manuia ai a lātou akoakoga.

He fakatūlagaga mo nā tuhi paahi

Ko nā tuhi paahi kautū mo ākoga tūlagalua i Niu Hila, ko nā **National Certificates of Educational Achievement (NCEAs)**.

Ko nā NCEA lēvolo 1, 2 ma te 3 na kāmata i te 2002 ma na hui e ia te School Certificate, Sixth Form Certificate, ma te Bursary. Ko tamaiti ākoga e māhāni lava oi akoako mo nā lēvolo ienei i nā tauhaga 11 ki te 13.

Ko nā NCEA ni tuhi paahi e fakavae i luga o ni tūhaga kua uma te fuafua lelei. Ko tona uiga ko tamaiti ākoga e fuafua iloilo fakatatau ki nā tūhaga e fua ai na mea kua ki lātou iloa ma mafai ke ki lātou faia.

Ko nā NCEA e talia e nā fale faigāluega ma nā univehitē i Niu Hila ma atunuku i fafo, ko he tuhi paahi a to tātou atunuku.

Ko nā NCEA e tolu, ko ni vāega e o te **National Qualifications Framework (NQF)**, ma e aofia i loto nā tuhi paahi o te atunuku e ova i te 1000.

Ko te lahiga o nā ākoga i te taimi nei, e ofo atu e ki lātou ni itūkāiga **National Certificates** e lahi. E mafai ia tamaiti ke akoako ke maua he National Certificate fakapitoa e fokatahi pe hili atu foki, i te taimi e tahi e akoako ai mo te NCEA. Ko nā togi fakaputu e maua mai iētahi a lātou gāluega, e ono faitaulia ke maua ai ni iētahi tuhi paahi, ma ko nā togi fakaputu uma e taulia ke pāhia ai te NCEA.

Ko nā National Certificates e mafai ke maua e ala i ni vāega matākupu kehekehe, e aofia ai te pulepulega tau pihinihi, fai

fatoaga, tūlihi, fau vaka, mea tau komipiuta ma te tauhiga o tamaiti. Mo nā tamaiti kua uma te ki lātou iloa nā mea e fia fai e ki lātou, ko te akoako ke maua ni National Certificates ko he kāmataga lelei tēnā mo ki lātou.

Akoakoga haoloto ma mafai ke fakapatino ki tamaiti tautokatahi

I te vaitāimi nei, kua mataloa atu te taimi e i nā akoakoga ai ia tamaiti, ma akoakogia i ni auala e e lahi e aofia ai ma nā akoakoga e hē faia i te ākoga. E mafai e nā fale ākoga oi fai ni koohi pupuku, pe opolua ni lēvolo e kehekehe, ma fai ni hokotaga ma pihinihi gaohi mea, vēnā ma iētahi pihinihi, ke fai ni koohi i ni matākupu e lautele atu.

Ko tona uiga, ko fale ākoga uma e mafai ke ofo e ki lātou ni polokalame e talafegai ma tamaiti ākoga tau tokatahi, ma ko tamaiti ākoga uma e fōki ki ei nā avanoa ke fakatāunuku ai ma te manuia a lātou taumafaiga i nā akoakoga.

E vāhea te fakagāoioiga o te NCEA

Ko nā mea kua iloa e te tamaiti e iloilo fuafua i te fakaogāga o nā **tūhaga a te atunuku**, e fakamatala ai nā hikili pe ko te mālamalama. E lua ia itūkāiga tūhaga – tūhaga mo te iku manuia ma tūhaga mo vāega takitahi.

Ko nā tūhaga mo vāega takitahi e iloilo fuafua e faiākoga i te ākoga pe i nā fale faigāluega (iloiloga fuafua faka-loto-i-fale). E mafai ni tamaiti ākoga ke pa ki te lēvolo e maua ai nā tūhaga (ma **paahi** ai te lēvolo tēnā), ma mafai foki iētahi ke hē au ki te tūhaga e tata ke pa ki ei, ma maua ai lēvolo **hē paahi**.

Ko nā tūhaga ikuga manuia, e iloilo fuafua e nā faiākoga i te ākoga (iloiloga fuafua faka-loto-i-fale), pe i te fakaiikuga o te tauhaga e ala i nā hukega fakapitoa tau tokatahi e maaka a te NZQA (iloiloga fuafua mai fafo). Ko te tulaga mahani ko tamaiti ākoga e iloilo fakaaoga ai na iloiloga e lua, ko te iloiloga fuafua faka-loto-i-fale ma te iloiloga fuafua mai fafo. Mo nā tūhaga mo te ikuga lelei, ka maua e tamaiti ākoga he lēvolo **hē paahi**, kāfai e hēki au ki te tūhaga, kae maua he lēvolo **paahi** mo he taumafaiga na manuia, **paahi lelei** mo he taumafaiga na manuia lelei pe he **paahi e hili te lelei** mo he taumafaiga na hili atu te lelei, fua lava ki te tūlaga lelei o nā iloiloga fuafua tau tokatahi.



E māhāni lava, ko he matākupu ākoga māhāni (e vē ko te Iglilihi) e vāevae ki ni tūhaga e fitu, ke aofia ai nā matākupu pe ko nā mālamalama kehekehe. Ko nā mea iēnei e iei te hokotaga ki nā vāega o te akoakoga i loto o te Kalikulama a Niu Hila.

Ho he taimi e au ai he tamaiti ākoga ki he tūhaga, ka maua a na togi fakaputu mo he tuhi paahi. Fakatakitaigiga, kāfai he tamaiti ākoga e ia maua ni togi fakaputu e 80 i te level 1 (e aofia ai ni togi fakaputu e 8 mo te faitau ma te tuhituhi ma he 8 mo te nūmela), ka maua e ia he NCEA level 1 certificate.